





MUSEUM
CARLSONIANUM.

MUSEUM CARLSONIANUM,

In quo

Novas et Selectas Aves,

Coloribus ad vivum brevique descriptione illustratas,

Suasum et sumptibus Generosissimi Possessoris,

Exhibet

ANDREAS SPARRMAN,

M. D. & Profess. Reg. Acad. Scient. Stockholmens. Musei Praefect. Ejusd. Acad. ut et
Societ. Physiograph. Lund. Scient. ac Litt. Gothoburg. Hess. Homburg. Membr.



FASCICULUS I.



HOLMIÆ,

Ex Typographia Regia, MDCCLXXXVI.

Benevole Lector.

Museum, quod heic oculis tuis sistimus, sibi suisque Musis instruxit Vir Generosissimus D:nus GUSTAVUS CARLSON, Secretarius Status, Regii ordinis de Stella Polari Eques Auratus, in Praedio Maelbyensi, amoenissime propter oram lacus Sillen in Sudermannia sito. Continet illud non tantum instructissimam ditissimamque Avium variarum supellectilem, sed quae multis insuper novis et, quod sciam, haecenus incognitis, certe antea non depictis speciebus abunde superbit.

Hoc vero quum publici juris facere in animum induxit idem Vir Illustrissimus, rei ornitologicae optimus Maecenas, quo plurium usui inservirent quae nova et in hoc genere maximam partem rara, unius tantum studio voluptatique sacra, privatis parietibus septa fuerunt, mihi, pro eo, quo me dignatus est favore, edendi negotium benigne injunxit, addita insuper lege, ut omnium specierum descriptiones modo Linneano adornandas curarem.

Ad Imagines quod attinet, quo maxime ad naturam accederent, hoc in negotio suam benigne accomodavit operam Nobilissimus D:nus J. Carolus Linnerhielm, Secretarius Regius, Apellidis in arte versatissimus, qui eas pro suo more i. e. dexterrime duxit. Has vero, quod in aere tam scite exsequi novit Scalpendi Magister, ut Typum quam proxime exprimant, id non minus sumptibus Maecenatis Nostri large impensis, quam diligenti omnium ac singulorum exemplarium examini tribuendum judicamus.

Fasciculum hunc, auspicio Illustrissimi Viri, Secundus itidem XXV avium huc usque profus incognitarum mox sequetur, quem, prout tempus et materia suppetit, plures deinde excipient.

Ceterum observet benignus Lector, ubi avium magnitudinem per angustiam suam Tabulae haud capere potuerunt, lineam seu scalam, quae bis senam totius nativae longitudinis partem continet, unicuique Imagini Buffoniano more subjunctam esse.

Elenchus Avium Fasciculi I.

- | | |
|-------------------------------------|-----------------------------------|
| N:o I. <i>LANIUS pomeranus.</i> | XIV. <i>RALLUS australis.</i> |
| II. <i>CORVUS Clericus.</i> | XV. <i>TETRAO hybridus.</i> |
| III. <i>CUCULUS ferratus.</i> | XVI. ——— <i>canus.</i> |
| IV. <i>SITTA caffra.</i> | XVII. <i>LOXIA Flamengo.</i> |
| V. <i>CERTHIA melanura.</i> | XVIII. ——— <i>totta.</i> |
| VI. <i>ANAS mollissima, variet.</i> | XIX. <i>TANAGRA fiberica.</i> |
| VII. — <i>dispar, Mas.</i> | XX. <i>FRINGILLA candida.</i> |
| VIII. — — <i>Femina.</i> | XXI. <i>EMBERIZA maelbyensis.</i> |
| IX. <i>COLYMBUS Parotis.</i> | XXII. <i>MUSCICAPA ochracea.</i> |
| X. <i>PELICANUS punctatus.</i> | XXIII. ——— <i>nigra.</i> |
| XI. <i>STERNA alba.</i> | XXIV. ——— <i>albifrons.</i> |
| XII. <i>FULICA leucoryx.</i> | XXV. <i>PARUS faebyensis.</i> |
| XIII. ——— <i>Aethiops.</i> | |
-

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON

1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900



Lanius pomeranus.

N:o I.

LANIUS pomeranus: supra niger, subtus albus, Occipite Dorsoque Colli saturate ferrugineis, nigro circumdatis, Alarum maculis utrinque duabus uropygioque albis.

Habitat in Pomerania.

Rostrum atrum, Pedes nigri.

Colli pars anterior, Pectus, Abdomen, Crissum,

Tectrices alarum inferiores albicant.

Occiput Dorsumque colli ferruginea.

*Frons, Vertex, Latera Capitis et Colli nec non Inter-
scapulum atra.*

*Alæ nigrae, Tectricum Superiorum et Inferiorum mediis albis;
hinc macula alarum transversalis alba major.*

*Remiges octo primariae nigrae, versus basin albæ; hinc
macula alarum transversalis alba minor.*

*Caudæ complicatae pagina superior nigra marginibus
albis, pagina inferior alba maculaque magna
nigra versus basin longe acuminata, versus apicem
late bicorni ac linea utrinque nigra notata.*

*Rectrices 12: Harum. Duæ Inferiores et extimæ albæ,
sed Disco ac Rachide apicem versus nigrae.
His 2 s. 3 Proximæ, apicibus suis nec non a basi
ad Mediam fere partem albicant.*



Corvus Clericus

木

N:o II.

*CORVUS Clericus: Totus niger mento albo,
Roſtro ad baſin cinereo.*

Magnitudine circiter *Corvi Coracis* et ab hoc, macula ſ.
plumofitate pollicari alba, regionem ſubmandi-
bularem et initium gulæ occupante præcipue
differt.

Color *Pedum* et *Pennarum narium recumbentium* niger.

—— *Capitis, Colli, ac Interſcapulii* nigro nitens.

—— *Remigum ac Rectricum partis ſuperioris* nigro
violaceoque nitens.

—— *Uropygii caudaeque paginae inferioris nec non
reliquarum corporis partium* nigro fuliginofus.

Obs. Rariſſima in Svecia Avis.



Cuculus ferratus.



N:o III.

*CUCULUS ferratus: niger, speculo alarum
albo.*

Habitat ad Promontorium Bonae Spei.

Rostrum nigrum, compressum, mandibula superiore paulo longiore, andunca.

Caput Cauda et *Totum* fere *Corpus* nitide ex virescente cerulescenteque nigra.

Remigum primariarum Decem fuliginosae, a basi ad medium albae, harum tamen prima et decima margine interiore tantum sunt alba.

Albedo Haec Remigum, *Tectricibus* alarum, nigris semioccultata, maculam s. speculum in alis superne et subtus album ferratumque format.

Pedes scanforii, nigri.

Cauda Corpore paulo longior.



Sitta caffra.

N:o IV.

SITTA caffra : corpore subtus flavo, superne
flavo nigroque vario, pedibus nigris.

Rostrum rectiusculum, subdepressum, mandibulis
truncatis, superiore convexiuscula, subtriquetra
pauloque longiore.

Laete Lutea sunt, *Capitis Latera*, *Collum*, *Pectus*,
Abdomen, *Criſsum*, *Femora*, *Apices Tectricum*,
Apices marginesque Remigum.

Fusco luteoque sunt varia, *Frons*, *Capilitium* ac *Dorsum*.

Reſtrices Decem, superne nigricantes subtus olivaceae,
apice flavicantes; harum *Duae superiores* et *Mediae*
reliquis sunt longiores.

Pedes ambulatorii nigri, *unguibus* luteis.



Certhia melanura

N:o V.

CERTHIA melanura: Capite Dorsoque
violaceis, Pectore abdomineque virescentibus, alis
fuscis, Cauda nigra sub-bifida, Tibiis Digitisque
atris.

Habitat ad Promontorium Bonae Spei.

Rostrum nigrum.

Tectrices alarum fuscae marginibus olivaceis.

Remiges Aliquot margine exteriori virent.

Ungues pallide flavi.



Anas mollissima
Mas biennis. Svecis Hellsinge.



N:o VI.

ANAS mollissima, Mas varietasque biennis,
Svecis Helsing: cera nigra postice bifida
rugosa.

Caput, et Collum postice ex fusco, nigro brunneoque varia.

Linea fordide alba utrinque per oculum ad nucham
ducta.

Tempora intensius fusca.

Gula Collique pars superior anterior fordide albescentes.

Pectus Collique pars inferior alba.

Teſtrices alarum albae, plumis aliquot fuscis inter-
ſinctae.

Dorsum et Remiges fuscae.

Hypochondria, Teſtrices caudae Crisumque atra.

Reſtrices quaedam albae.

Abdomen ex brunneo nigro alboque undato-nebulosum.

Pedes nigrae.



Anas dispar.
Mas.

N:o VII.

ANAS dispar, Mas: *crista occipitali abbreviata smaragdina; remigibus aliquot secundariis caeruleis, antrorsum falcatis, apicibus albis.*

Rostrum, *Palpebrae earumque proxima Regio*, *Mentum ac Jugulum* usque ad collare, *Dorsum*, *Macula Hypochondriacalis semipollicaris* ad *Alarum flexuram*, *Abdomen*, *Femora*, *Pedes*, *Criusque* nigra.

Frons prasina, dilutius in medio, lateribus autem faturatius.

Nuchae Crista f. *Macula elevatior*, transversim oblonga, faturate smaragdina, dextro sinistroque margine nigro-cyanea.

Colli tertia circiter pars inferior cincta collare quod ex cyaneo, paulumque virescenti anatino fulget, et quod ex plumularum aliquot apicibus pallidis anteriis interstinctum evadit.

—— *Capitisque reliquae partes* holosericeo-niveae.

Pectus et *Hypochondria* ex ferrugineo miniatoque rubicunda.

Remiges Secundariae Anteriores Exteriores faturate saphirinae, antrorsum falcatae, apicibus albis, *Remiges primarias* oblique decussantes, parte basis *Tectricibus albis* coopertae, hinc *Speculum alarum* saphirinum obliquum.

—— *Secundariae aliquot corpori finitimae* longiusculae, erectae, dorso incumbentes, saphirinae, latere autem interiore tenuiore albo, hinc *Taeniae dorsales longitudinales*, albae acutae dum alae complicantur.

Cauda brevis, supra nigra, subtus plumbea.



Anas dispar.
Femina.

N:o VIII.

*ANAS dispar, Femina: ferruginea, fusca
nigroque undulata, alarum maculis duabus par-
vis albis.*

Corpus totum fere ferrugineo fuscoque scolopacinum.

Remiges omnes rectae, nigricantes.

—— *Secundariae aliquot apicibus albis, hinc macula alaris
posterior minor alba.*

*Tectrices superiores quaedam apicibus albis, hinc macula
alaris anterior major alba.*

—— *Aliquot subalares albae.*

Pedes nigrae.

Obs. Haec ac antecedens in Ostrogothico quodam flumine pere-
grinantes nuper detectae scolopetique simul ictu interfectae
sunt.



Colymbus Parotis.

N:o IX.

COLYMBUS *Parotis* : capite laevi nigro,
gulae, aurium ac subocularium regionibus albidis
nigro — lineatis.

Capilitium nigrum.

Regiones sub-oculares, *Gularis* *Parotidea*que albae, *Lineo-*
lis tribus vel quatuor sub-parallelis nigris, antero-
ribus interruptis.

Colli *Dorsum* nigrum.

Colli *Latera* una cum *Jugulo* ferruginea.

Pectus ac *Abdomen* immaculata albo nitentia.

Alarum *Macula* bipolliaris alba ex *Rectricum* secun-
darium apicibus albis.

Dorsum nigrum.

Hypochondria, *Femora*, *Criſsum*, fuliginosa.

Pedes lobati.



Pelicanus punctatus.



N:o X.

PELICANUS punctatus: capite cristato, Alis cinereis nigro punctatis.

Gula Jugulique pars superior, Capilitium, Dorsum Colli, Ipsum Dorsum et Uropygium viridi violaceo nigroque - nitentia.

Tempora, Capitis Collique Latera alba.

Pectus et Abdomen canescentia.

Alae cinereae Tectricum apicibus viridi - nigris.

Striae brevissimae albae in Uropygio, Crisso, Dorso Dorsoque Colli.

OBS. Habitat in Nova Zelandia ad Fretum Reginae Charlottae, nidificans in arboribus.



Sterna alba.

N:o XI.

STERNA alba : Corpore toto albo , Roſtro
pedibusque nigris.

Habitat in India Orientali , ad Promontorium Bonae

Spei Infulasque Maris pacifici.

Magnitudine et Statura *Sternae nigrae.*



Fulica Leucorhynchos.



N:o XII.

FULICA leucoryx: nigra, Alis albis.

Magnitudine et statura *F. atrae*.

Palpebrae pallidae.

Alarum Tectrices et Remiges omnes candidae, Rachidibus Remigum primariarum nigricantibus.

Obs. Ante aliquot annos hanc Fulicam ad Theriotrophium Holmense telo confixit eaque Museum Carlsonianum ditavit Inspector Venatorii Cohortisque equestris Centurio Nobilissimus Dom. Rudbeck.





Fulica Aethiops.



N:o XIII.

FULICA Aetiops: tota nigra.

Rostrum in regione narium mandibulae superioris et apice mandibulae inferioris magis nigricans.

Pectus et *abdomen* ex plumarum apicibus cinereo-ferrugineis sub-fusco undulata.

Obs. Magnitudine et habitu *F. atrae*, sed ab hac praecipue differt alarum plumis omnibus nigris, Pectore abdomineque ferrugineo fuscoque undulatis.



Rallus australis.

N:o XIV.

RALLUS australis : cinereo ferrugineus ,
alis caudaque saturate brunneis , pennis nigro
fasciatis.

Habitat in Nova Zelandia , ad cujus littora meridionalia ,
refluente mare praedantem saepius vidi.

Magnitudine circiter Gallinae vulgaris.

Rostrum et *Pedes* flavicant.

Corpus Supra ferrugineo fuscum , *Subtus* cinereo - ferrugineum.

Remiges Rectricesque ferrugineo rufescentes , fasciis plurimis
nigris sub - undulatae.



Tetrao hybridus.

N:o XV.

*TETRAO hybridus : cauda bifurca ,
subtus albo-maculata.*

OBS. Suecis Rackelhane. (*Gallus Screator*).

Confr. A&T. Reg. Acad. Scient. Suec. A:o 1744. Vol. V. p. 181.

Faun. Suec. N:o 201. p. 73.

J. Th. Kleinii Stemmata avium pag. 25.

Magnitudo Feminae majoris T. urogalli.

Originem ex T. Tetrice Patre ac T. urogallo Matre
trahere creditur.

Colore , varie variat in variis.

Habitu , majoris Stupiditatis Speciem quam parentes
praebet.

Voce , Urogalli cantum aliquo modo imitare vi-
detur , fed hujus multo fortiore , fcreante ac
ructitante.

Sexum non nifi mafculinum , tam in Tetraonum ,
quam Urogallorum fodalitio prodere vifus eft.

Occurrit paffim in Sueciae et Finlandiae Sylvis.



Tetrao canus.

N:o XVI.

TETRAO canus : corpore cano , fusco
undulato , rostro pedibusque nigris.

Plumae totius fere corporis canae , apicibus fuscis.

Tectrices Alarum fuscae , extimo apice macula albida
notatae.

Crissum candidum.

Cauda Complicata in pagina superiore ex albo , fusco
canoque nebulosa , in pagina inferiore , lateribus
fusca , in medio autem ex crisso elongato , quasi
macula triangulari candida notatur.

OBS. E- Helfingia hanc Speciem benevole communicavit olim
generosissimus Comes et Chiliarcha Stenbock , ubi in qua-
dam Paroecia frequentissime occurrere , minime autem
T. Bonasiae varietatem esse monuit.





Loxia Flamenco.

N:o XVII.

LOXIA Flamengo: alba, capite, collo, pectore abdomineque roseis.

Rostrum rubicundum, serie plumularum apice nigricantium circumdatum.

Nares patulae, fetis sanguineis tectae.

Frons et *Regiones oculorum* albae.

Capitium reliquum laete roseum.

Capitis Collique Regiones laterales saturate roseae.

Collum anterius, Pectus et *abdomen* dilute rosea.

Remigum tertia et quarta nigra.

Alarum linea transversalis ex *Tectricum* apicibus nigricantibus fuliginosa.

Uropygii macula nigra.

Caudae Pagina Superior dilute fuliginosa.

Pedes sanguinei.

Reliquum Corporis ut *Dorsum, Femora, Caudae Pagina Inferior, ac Reliquum alarum* et *Crisi* alba.

OBS. Magnitudine et Statura *L. Pyrrhulae*; sed an ejusdem fit varietas non facile dicam; Upsaliae enim capta per annum bene valens colorem retinuit.



Loxia totta.

N:o XVIII.

LOXIA totta: remigibus reſtricibusque omnibus nigris ſummo apice albis.

Gula, Jugulum, Pectus, Abdomen, ſub-aurantia.

Frons fulco-vireſcens.

Capitulum reliquum, Colli Dorsum, Interſcapulum, Tectrices alarum Superiores teſtaceo-fulca.

Remiges Primariae ſex.

—— *Secundariae circiter octo.*

—— *Omnes atrae ſummis apicibus albis.*

Cauda ſupra nigra, ſubtus fuliginosa, Reſtricibus decem omnibus apice albis.

Tibiae flavicantes.

Pedes nigri.

Obs. Hanc Speciem inter Stationes Hottentottorum detexi.



Tanagra siberica.

N:o XIX.

*TANAGRA siberica: atra, apicibus
plumarum interscapulii uropygiiue candide et
discrete ciliatis.*

Magnitudine Turdi Iliaci.

Rostrum capite fere dupplo brevius, conico-gibbum,
rectum, vix acuminatum, pallidum, *apice* fusco,
subdiaphano.

Nares ad infimam basin rostri plumositate crebra
reversa tectae.

Pedes ambulatorii nigri, *Unguibus*, nigris, *U. postico*
reliquis fere duplo longiore, rectiusculo.

Cauda apice emarginata, *Rectricibus* XII, exterioribus
sensim longioribus.

Obs. Variat, *Capite*, *Humeris*, *Hypochondriis*, *Tectricibus* alarum
Rectricibusque ut Interscapulum ac Uropygium candide ciliatis.

Habitat Siberiae: unde communicavit Celeberrimus LAXMAN.

THE

AMERICAN

REPUBLICAN

PARTY

OF THE

UNITED STATES

OF AMERICA

AND

THE

DEMOCRATIC

PARTY

OF THE

UNITED STATES

OF AMERICA

AND

THE

REPUBLICAN



Fringilla candida.

N:o XX.

FRINGILLA candida : *plumis ac
pennis omnibus, rostro, pedibus digitisque albis.*

Alae complicatae vix caudae medium attingunt.

Cauda cuneata rectricibus XII.

Obs. Magnitudine Fringillae domesticae, cujus forsan est varietas, rostrum tamen pro ratione corporis paulo validiore.



Emberiza mælbyensis .

N:o XXI.

EMBERIZA maelbyensis: Capite colloque plumbeo - cinereis, gula albida, abdomine ferrugineo.

Rostrum, Pedes Unguesque pallide rufescentes.

Palpebrae, macula parva utrinque inter nares et oculos, Mentum, Gula superius et ad colli latera, Crissum Caudaeque pagina inferior albicant.

Frons, Capillitium, Colli pars inferior anterior, Pectorisque pars superior plumbeo - cinereae.

Pectoris pars inferior, Abdomen, Femora, ferruginea.

Interscapulum, Dorsum, Crissumque ferruginea nigroque maculata, maculis acutis ut in *Emberiza miliaria*.

Rectrices Alarum Superiores nigrae, margine extimo ferrugineae.

———— Inferiores sulphureae.

Remiges nigricantes marginibus sub-ferrugineis.

Rectrices Decem, harum sex superiores nigrae, quatuor inferiores, ab apice ad medietatem albae, marginibus exterioribus nigris.

OBS. In Praedio suo Maelby hanc speciem detexit Illustrissimus noster v. CARLSON.



Muscivora ochracea

N:o XXII.

MUSCICAPA ochracea : collo et pectore
cinereo-ferrugineis , alis et cauda nigro-cinereis.

Habitat ad Promontorium Bonae Spei.

Caput Dorsumque fusco-brunnea.

Collum Pectusque cinereo-ferruginea , plumis crebris
ciliatis acute lanceolatis.

Aurium Regiones, plumarum longiarum ciliatarum fasci-
culo notatae.

Abdomen ochraceo ferrugineum.

Remiges , *Tectrices alarum* et *Rectrices apice et latere*
interiore nigræ , *exteriore* albae.

Pedes nigri.

Ungues flavae.

Cauda longitudine corporis.



Muscicapa nigra

N:o XXIII.

MUSCICAPA nigra : corpore toto nigro, rostro, capite, interscapulio pedibusque atris.

Habitat in Insulis Societatis Oceani Pacifici.



Muscicapa albifrons.

N:o XXIV.

MUSCICAPA albifrons: *supra nigro-fusca, jugulo ac pectore sordide albis, abdomine dilute ferrugineo, fronte albida, pedibus nigris.*

Habitat ad Promontorium Bonae Spei.

Rostrum nigrum.

Occiput, Dorsum colli, Interscapulum, Alarum Tectrices Superiores Rectricesque e fuliginoso - nigrificant.

Remiges Primariae fuscae, margine exteriori ferrugineae.

— *Secundariae Rectricesque* fuliginoso - nigrificantes.

Jugulum ac Pectus albida, *Rachidibus plumarum* fuscis.

Abdomen laete ferrugineum.

Pedes fuscae.



Parus sabyensis.

N:o XXV.

PARUS saebyensis: corpore caudaque sub-
tus, capilitio, interscapulio, fascia transversali
alari remigumque aliquot albis; cauda superne,
macula transversali nuchae, tectricum remigum-
que nonnullis caeruleis.

Tectrices supra-alares-Superiores caeruleae.

—— *supra-alares-Inferiores* albae, maculam transver-
sale alarem albam constituentes.

Remiges 1 - - 5 fuscae, margine exteriori albae, ad
basin caeruleae.

—— 6 - - 13 concolores, apicibus albis.

—— *Reliquae* margine exteriori caeruleae, interiori
apicibusque albae.

Cauda caerulea, subtus alba, *Rectricibus* quatuor *superio-
ribus* cyaneis, apice albis, *rachidibus* nigris.

Pedes *Rostrumque* fusco-flaviscant.

Linea Nigra utrinque a rostro per oculum ducta.


OBS. Ad Praedium Carlsonianum Saëby in Sudermannia, haec
Species detecta est.







SMITHSONIAN INSTITUTION LIBRARIES



3 9088 01203 8931